

Jismoniy shaxsning hisobvarag'idan yakka tartibdagi tadbirkorning hisobvarag'iga kreditni so'ndirish maqsadida pul mablag'larini avtomatik o'tkazish bo'yicha operatsiyalarni amalga oshirish uchun

## OMMAVIY OFERTA

Toshkent sh.

2025 y. "\_\_\_" \_\_\_\_\_

Mazkur hujjat rasmiy taklif (ommaviy oferta) hisoblanadi.

"Kapitalbank" ATB (keyingi o'rinlarda – Bank), Bank Ustavi asosida ish yurituvchi Boshqaruv raisi K. L. Maevskiy timsolida bir tomondan, va mazkur ommaviy ofertani biror shartlarsiz, istisnolar va e'tirozlarsiz qabul qilgan (aksept qilgan), Bankda talab qilib olinguncha hisobvarag'iga ega bo'lgan jismoniy shaxs (keyingi o'rinlarda – Mijoz) ushbu ommaviy ofertani Mijozning kreditini so'ndirish maqsadida tuzadilar.

Mijoz tomonidan ushbu Ommaviy ofertada nazarda tutilgan harakatlarning bajarilishi, uning quyida bayon etilgan shartlarga hech qanday shartlar, istisnolar va e'tirozlarsiz to'liq roziligini anglatadi.

Ushbu Ommaviy ofertada bevosita nazarda tutilmagan barcha masalalar bo'yicha Taraflar O'zbekiston Respublikasi amaldagi qonunchiligiga, Bank va Mijoz o'rtasida tuzilgan shartnomalarga, shuningdek ishbilarmonlik odatlari va amaliyotiga amal qiladilar.

### I. ATAMALAR VA TA'RIFLAR

1.1. Ushbu Shartnoma–ofertada quyidagi atamalar va ta'riflar qo'llaniladi:

**Mijoz** – bank oldidagi kredit bo'yicha qarzdorlikni so'ndirish majburiyatini o'z zimmasiga olgan hamda Bankda talab qilib olinguncha depozit hisobvarag'iga ega bo'lgan, yakka tartibdagi tadbirkor sifatida ro'yxatdan o'tgan jismoniy shaxs (keyingi o'rinlarda – YaTT).

**Karta** – O'zbekiston Respublikasi banklari tomonidan emissiya qilingan Uzcard, Humo bank kartalari, shuningdek "Kapitalbank" ATB tomonidan emissiya qilingan Visa International kartasi (milliy valyutada).

**Jismoniy shaxsning talab qilib olinguncha depozit hisobvarag'i** (keyingi o'rinlarda – depozit hisobvarag'i) – Mijozning milliy valyutadagi mablag'lari hisobi yuritiladigan, uning birinchi talabi bo'yicha beriladigan yoki o'tkaziladigan bank hisobvarag'i.

**Mijozning kreditini so'ndirish uchun maxsus hisobvara**q (keyingi o'rinlarda – maxsus hisobvara)q) – Bank oldidagi kredit bo'yicha qarzdorlikni so'ndirish uchun mo'ljallangan, Mijozning milliy valyutadagi mablag'lari hisobi yuritiladigan bank hisobvarag'i.

**Aksept to'g'risidagi ariza** (Ariza) – Mijozning Ommaviy ofertaning shartlarini to'liq va so'zsiz qabul qilishiga oid aniq va avtomatik roziligi.

**Milliy valyuta** – o'zbek so'mi.

**Bank sayti** – <https://payloan.kapitalbank.uz/>

Ushbu Ommaviy ofertada ta'riflanmagan atamalar va tushunchalar amaldagi qonunchilikda belgilangan ma'nolarda, ularning so'zma-so'z mazmuni va ibora kontekstidan kelib chiqqan holda qo'llaniladi.

### II. OMMAVIY OFERTANING PREDMETI

**2.1.** Bank ushbu Ommaviy oferta shartlariga muvofiq, kartada mavjud bo'lgan milliy valyutadagi mablag'larni depozit hisobvarag'iga kiritish hamda depozit hisobvarag'idan Mijozning kredit bo'yicha qarzdorligini so'ndirish uchun mo'ljallangan maxsus hisobvara qqa mablag'larni avtomatik o'tkazish bo'yicha operatsiyalarni amalga oshiradi.

**2.2.** Bank o'z nomidan, biroq Mijozning topshirig'i va hisobidan, kartada mavjud bo'lgan milliy valyutadagi mablag'larni depozit hisobvarag'iga kiritish, shuningdek depozit

hisobvarag'idan maxsus hisobvaraqa mablag'larni avtomatik o'tkazish bo'yicha operatsiyalarni ushbu Ommaviy ofertada nazarda tutilgan shartlar asosida amalga oshiradi.

**2.3.** Ushbu Ommaviy ofertaning 2.2-bandiga muvofiq depozit hisobvarag'idan maxsus hisobvaraqa mablag'larni avtomatik o'tkazish faqat maxsus hisobvaraqa yakka tartibdagi tadbirkor sifatida Mijozning o'ziga tegishli bo'lgan taqdirdagina amalga oshiriladi. Depozit hisobvarag'idan boshqa yakka tartibdagi tadbirkorning hisobvarag'iga mablag'larni o'tkazish taqiqlanadi.

**2.4.** Ushbu Ommaviy ofertaning 2.2-bandiga muvofiq mablag'larni avtomatik o'tkazish Bank tomonidan akseptsiz tartibda Mijozning yakka tartibdagi tadbirkor sifatida olgan krediti bo'yicha to'lov (so'ndirish) maqsadida, kreditni so'ndirish jadvaliga muvofiq amalga oshiriladi.

### **III. OMMAVIY OFERTANI TUZISH TARTIBI (Ommaviy ofertani aksept qilish)**

**3.1.** Ushbu Ommaviy oferta matnining Bank saytida e'lon qilinishi (joylashtirilishi) Ommaviy ofertani aksept qiluvchi Mijozlarga qaratilgan ommaviy taklif (oferta) hisoblanadi.

**3.2.** Mijoz Bank saytida "Oferta shartlariga roziman" oynasida belgi (✓) qo'yish orqali Arizani imzolagan holda ushbu Ommaviy ofertani aksept qiladi.

**3.3.** Mijoz shu bilan 3.2-bandda nazarda tutilgan tartibda Arizani imzolash bevosita Mijoz tomonidan amalga oshirilgan harakat deb e'tirof etilishini hamda O'zbekiston Respublikasining amaldagi qonunchiligi talablariga muvofiq o'z qo'li bilan qo'yilgan imzo bilan teng yuridik oqibatlarni keltirib chiqarishini tasdiqlaydi.

**3.4.** Mijoz tomonidan ushbu Ommaviy ofertaning aksept qilinishi (tasdiqlanishi):

- Bankka depozit hisobvarag'idan maxsus hisobvaraqa mablag'larni o'tkazish bo'yicha operatsiyalarni amalga oshirish topshirig'ining berilishi, bunda mablag'larni depozit hisobvarag'idan maxsus hisobvaraqa o'tkazish avtomatik tartibda amalga oshirilishini;
- Bankning Mijozning depozit hisobvarag'idan, shu jumladan maxsus hisobvaraqdan, kredit shartnomasi bo'yicha qarzdorlikni to'liq so'ndirish maqsadida zarur bo'lgan pul mablag'larini akseptsiz tartibda yechib olish huquqiga so'zsiz va qaytarib olinmaydigan rozilik berishini anglatadi.

**3.5.** O'zbekiston Respublikasining elektron hujjat aylanishi to'g'risidagi qonunchiligiga muvofiq, Taraflar ushbu aksept qilingan Ommaviy ofertani qog'oz shaklidagi shartnomaga tenglashtiradilar, uning xuddi shunday yuridik kuchga ega ekanligini tasdiqlaydilar hamda uni muhrlar bilan tasdiqlashni va/yoki Taraflar tomonidan qo'lda imzolashni talab etmaydilar.

### **IV. TARAFLARNING HUQUQLARI VA MAJBURIYATLARI**

**4.1.** Mijozning majburiyatlari:

**4.1.1.** Bankda ochilgan Depozit hisobvarag'iga ega bo'lishi;

**4.1.2.** Yakka tartibdagi tadbirkor sifatida ro'yxatdan o'tgan bo'lishi va YaTT hisobvarag'iga ega bo'lishi.

**4.2.** Mijozning huquqlari:

**4.2.1.** Ushbu Ommaviy ofertani aksept qilganidan voz kechish huquqiga ega bo'lib, buning uchun Bankka qog'oz shaklida tegishli yozma ariza taqdim etishi mumkin. Biroq mazkur ariza topshirilgan paytda Mijozning Bank oldida kredit bo'yicha muddati o'tgan qarzdorligi mavjud bo'lmasligi shart.

**4.2.2.** Ko'rsatilgan xizmat sifati bo'yicha Bankka xizmat ko'rsatilgan kundan boshlab 30 (o'ttiz) kalendar kun ichida da'vo (e'tiroz) yuborish.

**4.3.** Bank huquqlari:

**4.3.1.** Quyidagi hollarda ushbu Ommaviy ofertani aksept qilishni rad etish:

- uni tuzishdan maqsad jinoiy yo‘l bilan olingan daromadlarni legallashtirish yoki terrorizmni moliyalashtirishga qaratilgan operatsiyalarni amalga oshirishdan iborat, degan shubhalar mavjud bo‘lsa;
- aksept qilish vaqtida Bankda texnik yoki boshqa imkoniyatlar mavjud bo‘lmasa;
- Mijozda depozit hisobvarag‘i mavjud bo‘lmasa;
- Mijozda YaTT hisobvarag‘i mavjud bo‘lmasa;
- Mijoz yakka tartibdagi tadbirkor sifatida ro‘yxatdan o‘tmagan bo‘lsa;
- O‘zbekiston Respublikasi qonunchiligida nazarda tutilgan boshqa holatlar mavjud bo‘lsa.

**4.3.2.** Mijozlarni va boshqa shaxslarni oldindan xabardor qilmasdan, ushbu Ommaviy ofertaga bir tomonlama tartibda o‘zgartirishlar kiritish. Barcha o‘zgartirishlar Bank saytida e‘lon qilinadi va Bank saytida joylashtirilgan paytdan boshlab kuchga kiradi.

## **V. TARAFLARNING JAVOBGARLIGI VA NIZOLARNI HAL ETISH TARTIBI**

**5.1.** Ushbu Ommaviy oferta bo‘yicha Taraflar o‘z majburiyatlarini bajarmagan yoki lozim darajada bajarmagan taqdirda, shartlarni buzgan Taraf amaldagi qonunchilikda belgilangan tartibda javobgar bo‘ladi.

**5.2.** Agar ushbu Shartnoma bo‘yicha majburiyatlarning to‘liq yoki qisman bajarilmasligi suv toshqini, zilzila va boshqa tabiiy ofatlar, embargo, urush yoki harbiy harakatlar, O‘zbekiston Respublikasi davlat organlari tomonidan qabul qilingan Taraflarning Ommaviy oferta bo‘yicha majburiyatlarini bajarishiga to‘sqinlik qiluvchi qarorlar, ajrimlar yoki boshqa hujjatlar, shuningdek ushbu Shartnoma tuzilganidan keyin yuzaga kelgan va Taraflar irodasiga bog‘liq bo‘lmagan boshqa holatlar (elektr energiyasining uzilishi, stansiyalararo ulanishlar va Internet tarmog‘i provayderlari aybi bilan telekommunikatsiya aloqasining yo‘qligi va shu kabilar) oqibati bo‘lsa, Taraflarning hech biri javobgarlikni o‘z zimmasiga olmaydi.

**5.3.** Agar Taraflar muzokaralar yo‘li bilan kelishuvga erisha olmasalar, ushbu Ommaviy ofertadan kelib chiqadigan yoki u bilan bog‘liq holda yuzaga kelgan barcha nizolar, kelishmovchiliklar, talablar yoki da‘volar O‘zbekiston Respublikasining amaldagi qonunchiligida belgilangan ishlarning sudga taalluqliligi va sudlovga tegishliligiga muvofiq sud tartibida hal etiladi.

## **VI. OMMAVIY OFERTANING AMAL QILISH MUDDATI**

**6.1.** Ushbu Ommaviy ofertaning amal qilish muddati cheklanmagan.

**6.2.** Ushbu Ommaviy ofertaning amal qilishi Bank tomonidan o‘z xohishiga ko‘ra istalgan vaqtda Bankning rasmiy veb-saytida tegishli xabarnoma e‘lon qilish yo‘li bilan to‘xtatilishi yoki bekor qilinishi mumkin.

## **VII. BOSHQA SHARTLAR**

**7.1.** Agar ushbu Ommaviy ofertaning biron-bir qoidasi O‘zbekiston Respublikasi amaldagi qonunchiligiga muvofiq noqonuniy va/yoki haqiqiy emas deb topilsa, bunday qoida Taraflar o‘rtasidagi munosabatlarda qo‘llanilmaydi va Ommaviy ofertada nazarda tutilgan dastlabki niyatlarga imkon qadar mos keladigan yangi qoida bilan almashtiriladi. Ommaviy ofertaning qolgan qoidalari to‘liq kuchda va amalda qoladi.

**7.2.** Ushbu Ommaviy ofertada nazarda tutilmagan barcha masalalarda Taraflar O‘zbekiston Respublikasining amaldagi qonunchiligiga amal qiladilar.

**7.3.** Ushbu Ommaviy oferta o‘zbek tilida ishlab chiqilgan va e‘lon qilingan.

## **VIII. MANZIL VA REKVIZITLAR**

“KAPITALBANK” ATB

Toshkent shahri,

Yunusobod tumani, Sayilgoh ko‘chasi, 7-uy.

Hisob raqami: 2980200000001088001

MFO: 01088

STIR: 207127843

Tel.: 200-15-15, 200-16-16